



IJWI RY'UBUHANUZI
Ishure rya Bibiliya
Mw iposta

B.P. 1210 Bujumbura
B.P. 1 Nyabisindu

Burundi
Rwanda

ICI GISHO CA 30

UMUBATIZO WEMERWA NA BIBILIYA

N'ukuri koko abakristo bizera k'umubatizo ar'isakaramentu ry'ingirakamaro. Ariko bose ntibabisobanukirwa kumwe, kandi ntibawukurikiza mu buryo bumwe.

Bamwe babona kw ari bwo buryo Imana ihanagura icaha c'abantu c'inkomoko, ikemerera uwabatijwe ububasha bwo kwera buzamana na we ibihe vyose. Abandi bawubona nk'ukw'ar'icitegererezo, ikimenyetso c'ugupfa k'umuntu wa kera no kuvuka k'umuntu musha, canke uwahinduwe na Mpemwu Yera. Bamwe, bemera umubatizo wo gutonyanza abandi bakemera uwo kwibizza. Muri make, bamwe bahayagiza umubatizo w'abana bato, ndetse n'inzoza, abandi bakabona k'umubatizo woba ingirakamaro ar'uw'ukorewe abantu bakuze.

Iki cigwa kiremeza rwose ic'Ivyanditswe Vyera vyigisha ku vyerekeye umubatizo. Nta yindi nema umuntu yo kwemera, kiretse iyo muri Bibiliya.

1. Umubatizo wa Yohana.

Kuva kera hose Abayuda bari barategetse abapagani kubatizwa ngo babone kwinjira mw'idini ya Kiyuda. Arik'uwo umubatizo ntibawubahiriza nk'uko Umukiza yari kuwubahiriza.

Integuza ya Yesu, Yohana yataziriwe umubatizi niwe baye uwa mbere, no kwemeza kumugaragaro kw'iy'umunyavyaha, yihannye agahinduka ava mu vyaha vyiwe no mu mibereho yiwe Mur'ubwo buryo, n'Abayuda ntibari bawimiriziwe, naho biraba, nk'ukw'ar'abagororotsi badakeneye kwhiana. Guhamagara kwa

Yohana ngw abantu bihane, kwar'ukwa bose utarobanuye Abafa - risayo abigisha ivyagezwe n'abantu basanzwe. (Luka 2:3).

Umugambi w'Imana ku Bayuda, naho bari mu rwego urw' ari rwo rwose, war'ukw'Abayuda bemera agakiza babanje kwhiana no kukizera hanyuma bagakurikizako kubatizwa. Eh'uko Kristo ubwiwe abivuga: "Kand'abantu bose n'abatozakori bumvise Yohana bemeye ukugororoka kw'Imana, kuko babatijwe na we; arikw' Abafarisayo n'abigisha ivyagezwe bibujije inama z'Imana kuko batabatijwe na we. (Luka 7:29,30).

Iri jambo rya Yesu ryerekana akamaro k'umubatizo w' amazi mu mibereho y'uwizera.

2. Kristo n'umubatizo.

Na none umubatizo wa Yohana ntiwari bwuzure nka neza. Ubwiwe avuga yerekana'Umubatizo Yesu Kristo yar'agiye gushinga ati:

"N'ukuri jewe ndababatirisha amazi, ariko hazoza undusha, ubushobozi, ntibimbere no gupfundura utugozi tw'inkweto ziwe uyo azobatiza muri Mpwemu Yera no mu muriro." (Luka 3:16).

Aho Mpwemu Yera yaza mu mibereho y'uwizeye yabatijwe ni ho Kristo yatanze ubushobozi n'ubusobanuro bwiwe bw'umubatizo w'amazi wigishijwe na Yohana Umubatizi.

Kristo na we yabatijwe na Yohana, kandi yar' amaze imyaka 30 y'ubukuru (Luka 3:23) avuye mu mazi asukwa ko Mpwemu Yera.

"Ico gihe Yesu ava i Galilaya aja kuri Yorodani aje kuri Yohana, azanywe no kubatizwa na we. Ariko Yohana agomba kumwankira, ati kw'ari jewe nkwiye kubatizwa na we: none uje kuri jewe? Yesu aramwishur'ati: Bikunde kukw'arivyo bidukwiriye, ngo tshitsese ukugororoka kwose. Bun'aramukundira, Yesu amaze kubatizwa, aca ava mu mazi: maz'ijuru riruguruka, abona Mpwemu Yera y'Imana amanuka asa n'inuma, amugwako. Buno rer'ijwi riva mw'ijuru rit'Uyu ni we Mwana wanje nkunda, akampimbara." (Matayo 3:13-17).

Kristo atangura ibikorwa vyiwe, yamara yabanje kubatizwa, imbere yo kubitangura. Yabatijwe umubatizo wo kwibiza.

3. Itegeko ategetse ishengero ryiwe.

Yategetse ishengero ryiwe gukomeza uwo mubatizo kugeza kwiherezo ry'ibihe.

"Nuko ni mugende muhindure amahanga yose abigishwa, mu babatiza mw izina rya Data, n'iry'Umwana, nirya Mwemu Yera mu bigishe kwitonera ivyo nabageze..."

Mugende muje mu bihugu vyose, mubwire abaremwe bose ubutumwa bwiza, uwizera wese akabatizwa azokizwa, ariko utizera azotsindwa n'urubanza." (Matayo 28:19,20; Mariko 16:15,16).

Amazin'atatu uwizera abatirizwamwo: Irya Data wa twese Iry'Umwana, ni rya Mpwemu Yera, asobanura k'ubatizwa wese, ategerezwa kwemera gutegekwa n'ubwo butatu bubumbiye hamwe agakora ivyo bashaka, akanatabaza ububasha bwabo.

4. Ikimenyetso co gupfa n'ic'ubugingo.

Mu vy'ukuri umubatizo usobanur'iki?

Cane cane imbere y'ikimenyetso co gupfa kw'umuntu wa kera no kuvuka kw'umuntu musha, umubatizo wibutsa urupfu n' ukuzuka vya Kristo.

Umuntu ashaka kubatizwa, s'ukw'aba yemeye ivy'ugupfa no kuzuka kwa Kristo gusa n'ivyiza vyavyo, ahubwo yiyeza kubabara no gupfana na Kristo ku musi ku musi, gushushanywa na we mu muzuko wiwe no mu bwiza bwiwe. (Abafilipi 3:10; Abaroma 8:17).

Har'amajambo y'uburyo bubiri Paulo yavuze, asobanura neza umubatizo ic'ari co:

"Nuko mwahambanywe na we mw'ibatizwa, ni ho kandi mwazuranywe na we, ku bwo kwizera ubushobodzi bw'Imana, yamuzuye mu bapfuye." (Abakorosayi 2:12).

"Canke ntimuzi ko twese ababatirijwe kuba muri Kristo — Yesu, twabatirijwe kuba mu rupfu rwiwe? None rero kubatizwa kwatumye duhambanwa na we tuba mu rupfu rwiwe, kugira ngo nk'uko Kristo yazuwe mu bapfuye n'ubwiza bwa Data wa twese abe ari ko natwe tugendana ubugingo busha." (Abaroma 6:3,4)

Aya masomo abiri yerekana k'umubatizo ar' igishushanyo — co gupfa ku caha, urupfu rw'umuntu wa kera no kuvuka kw'umuntu musha yavyawe na Mpwemu Yera. Na none aya masomo acirahw'iteka umubatizo wo gutonyanza ari wo babatiza abana bato n'inzoza, kuko irivuga guhamba, rirumvikana neza ko kubatiza ar'ukwibiza. (amazi y'umubatizo agereranya imva ya Yesu) nta bwo rero umwana aba apfuye ku muntu wa kera.

5. Igikorwa co kuzeruka.

Umubatizo si wo buryo bw'ingeso yo guhinduka gukomeye gukura umunyavyaha mu rupfu akagera mu buggingo; umubatizo n'ikiményetso. N'igitangaza co guhinduka gikorwa na Mpwemu Yera.

Umubatizo n'ikiményetso co kurukoba, uwizeye yerekanisha, ko yahevyé ivy'isi vyose, yaretse imibereho ya kera, yaretse icaha akaba yerekanye uburyo ashaka gufatanya na Kristo kugira ngw'amwambike umwambaro w'ubuggingo bwiwe.

"Iy'umuntu atavyawe ubwa kabiri, ntabasha kubona ubwami bw'Imana... Iy'umuntu atavyawe n'amazi na Mpwemu, ntashobora kwinjira mu bwami bw'Imana." (Yohana 3:3,5).

"Kuko mwese ababatirijwe kuba aba Kristo mwambaye Kristo... Nabambanywe na Kristo ariko ndiho; yamara si jewe nkirih, ni Kristo ariho muri jewe... Ivya kera biba bishize, vyose biba bicitse bisha." (Abagaratiya 3:27; 2:20; 2 Abakorinto 5:17).

"None rero asangwa mwarazuranywe na Kristo, mwarondaye ibiri hejuru, iyo Kristo ari, avyagiye iburyo bw'Imana. Muhire imitima ku biri hejuru, ntimuyishire ku biri mw'isi. — Kuko mwapfuye, kand'ugubuggingo bwanyu bukaba buhishanijwe na Kristo mu Mana." (Abagaratiya 3:1-3).

6. Ibituma umuntu abatizwa.

Kugira ngo umubatizo ugire ic'umura, ushaka kubatizwa ashakwaho ibintu bibiri: KWIHANA no KWIZERA.

Aho Petero vasubiza ishengero rvinshi rvari rifise invota yo kumenya ukuri, aho babaza bati: "Baqabo bene Data, tugire dute? Intumwa Petero yarabasubije ati:

"Ni mwihane, umuntu wese muri mwebwe abatizwe mw izina — rya Yesu Kristo, mubone guhariwa ivyaha vyanyu, kandi muzohabwa ingabire, ari yo Mpwemu Yera." (Ivyakozwe 2:37,38).

Umunyetiyopiya na we w'inkone yarabajij'ati: "Ehe amazi — ikimbuza kubatizwa n'iki?" Intumwa Filipo arayibaz'ati: "Namba wizeye mu mutima wawe wose birashoboka." (Ivyakozwe 8:36).

Twibuke ijambo rya Kristo ngo: "Uwizera akabatizwa azokizwa. Ariko utizera azotsindwa n'urubanza." (Mariko 16:16).

Umubatizo n'irembo ryo kwinjira mw'ishengero ku wizera —

wese; na we akaba abaye ibuye rizima ry'inzu Kristo abere-y'ibuye rigumya imfuruka. (1 Petero 2:4-7). Akaba urugo — rw'umubiri wa Kristo. "Kuko muri Mpemwu umwe, twese ariho twabatirije ngo tube umubiri umwe naho boba Abayuda cank' Abagiriki, naho boba abagurano cank'abidegemva, kandi — twese twanyweshejwe Mpemwu umwe." (1 Korinto 12:13).

7. Umubatizo uw'ari wo.

Inyuma y'ivyo tumaze kubona vyerekeye ubusobanuro bw'umubatizo w'ukuri, nta co vyunguye kuvuga umubatizo uw'ari wo, nta kindi atar'uguhamba, arikwo kuvuga kwibiza umubiri wose.

Ubusobanuro bw'irivuga KUBATIZA ryavuye mu Kigiriki ngo BAPTIZEIN (kwibiza, kwinika). Ikibabaje izina umubatizo — ryataye ubusobanuro bwareyo ni co gituma twongerako amajambo abiri: wo kwibiza (ayo majambo asobanura uk'umubatizo, ukwiye kumera) canke tuti wo gutonyanza (bitandukye n'ubusobanuro bw'iryo jambo).

Ku busobanuro bw'ijambo umubatizo wokwongerako n'uburyo intumwa zabona uwo mugenzo, vyerekana k'umubatizo kugira ngo ube nyawo, uba ukwiye kwibiza mu mazi menshi kandi ku bantu bakuze gusa.

Ivyanditswe bitwereka ko Yohana yabatiriza "muri Yordanini" (Mariko 1:5). N'ahandi hitwa "Ayinoni hafi y'i Salimu, kuko har'amazi menshi." (Yohana 3:23) kandi ko Yesu amaze kubatizwa, "yavuye mu mazi" (Mariko 1:10) "K'umunyeti yopiya na Filipo bamanutse mu mazi, bakavayo" (Ivyakozwe 8:38,39).

Abizera ivy'umubatizo wo gutonyanza n'u'abana bato nta co bafise bashimikiyeo cavuzwe mu Vyanditswe Vyera.

8. Amajambo make yo mu vyabaye.

Umubatizo wo gutonza wakorew'abana bato wasimbuye ute umubatizo wo kwibiza w'abantu bakuze mu bizera batari bakte?

Iryo hinduka ryatwaye imyaka amajana menshi: umubatizo, w'abana washizweho ngw ishengero rigire abakristo benshi, ivyo biterwa na kamere y'abantu bakunda gutunga vyinshi mu gishingo c'imigenzo myiza. Iya mbere vyatanguye mw'ijana rya gatatu. Iyo nyigisho nsha ntiyaciye yakirwa neza, itegeko ry'unwami JUSTINIANO, mu mwaka wa 550 ryategetse kw'

abantu bose babatirisha abana babo kuv'ico gihe uwo mugenzo uc'ukwira hose, ariko sikwo bawemeye bose.

Gutonyangiriza amazi mu ruhanga, vyatwaye igithe co kwe-merwa. Umubatizo wo kwibiza wagumye ukurikizwa mw'ijana rya 12 nk'ukw'aho babatiriza henshi mu sengero nkuru nkuru bisobanura. Nko hagati y'ijana rya 12 n'ijana rya 13 kwibiza kwari kuriho. Kwibiza igice gusa vyatanguye mw'ijana rya 13 n'irya 15. Na none hakomeje kaboneka abakristo bakurika-za umubatizo wa Bibiliya.

Urwibutso rw'urupfu, guhamba no kuzuka kw'Umukiza, iki-nyetso c'urupfu kw'umuntu wa kera no kuvuka kw'umuntu mu-sha, kubw'ubushobozi bwa Mpemwu Yera, kwemeza icese ko waci tse kuvy'isi; ukaronka imbuto yo kwizerwa no kwihana, umuba-tizo iy'ar'uwo kwibiza; ufise akamaro gakomeye cane. Kristo yongera kutubwira uyu musi ati: "Uwizerwa akabatizwa azoki-zwa. Urashaka gukurikiza inama yiwe?

XXXXXXXXXXXXXXXXXXXX

IBIBAZO VY-ICIGWA CA 30

1. Umubatizo usobanura iki ?

- A. Urupfu, guhambwa, n'izuka rya YESU
- B. Kuvuka ubwa kabiri
- C. Kwiyeza

2. YESU yabatijwe angana ate ?

- A. Afise imyaka 12
- B. Afise imyaka 30
- C. Afise imisi 8

3. Ibintu bituma umuntu abatizwa

- A. Kwihana gusa
- B. Kwizerera gusa
- C. Kwihana no kwizerera

4. Kubera iki abana bato batobatizwa?


- A. Kuko atari vyiza
- B. Kuko badashobora kwihana no kwizerera
- C. Kuko bitaraboneka

5. Umugenzo wo kubatiza abana wakwiye hose ryari, kw'itegeko ryande ?

- A. 321, ku mwami CONSTANTINO
- B. 550, ku mwami JUSTINIANO
- C. 1798, ku mwami NAPOLEON

**IJWI RY'UBUHANUZI
ISHURI RYA BIBILIYA MW IPOSTA
B.P. 1710 Bujumbura
Burundi.**





Izina.....

Ah'uba

.....